

**From**

Synod Literature & Publication Board

Synod Press Building (Top)

Aizawl – 796 001, Mizoram

Phone : 2324590



E-mail : [slpb@rediffmail.co.in](mailto:slpb@rediffmail.co.in)

## **SYNOD INKHAWMPUI VAWI 87-NA A ÑIAK TA**

**\* Ram chung leh ram pawn aţanga palai kal zawng zawng 1800**

**\* Nakkumah Khatla Kohhran Biak Inah; Moderator Elect : Rev. Thangzauva**

Mizoram Presbyterian Kohhran Inkhawmpui lian ber leh rorelnaa thu neitu sang tak nei, kum tina hman ðin, Synod Inkhawmpui chu December ni 7 - 12, 2010 chung khan Dawrpui Pastor Bialin Zarkawt Kohhran Biak Inah hneh takin an thleng a; rorel palai zawng zawng hi, ram pawn aţanga Synod dang unaute leh mi sawm bikte nen an vaiin 1800 an ni. Kum hmasa lama Synod thurel zuiin kumin 2010 aţang hian Synod Inkhawmpui hi Kohhran malin thleng lovin Bialin an thleng ðan a, inkhawmpui thlenna tura thil ðul leh pawimawh titu tur inruatnaah pawh Bial huap zela inruatin sum leh paiah pawh Bial Kohhrante an ðang tlang a, mikhual pawh Bial chung Kohhran hrang hrangah sem darh an ni.

**1. Synod Puipate:** Synod vawi 87-na Puipate chu heng mite hi an ni:-

Moderator	:	Rev. C. Lalsangliana
Secretaries	:	Upa Vanlalhuma (Sr.) Rev. P.C. Pachhunga (Jr.)
Finance Officers	:	Rev. Zosangliana Colney Rev. Dr. Lalmangaiha
Statistician	:	Upa J.H. Ramnghinglova
Sr. Executive Secretary	:	Rev. Vanlalzuata
Executive Secretary	:	Rev. Lalzuithanga

Inkhawmpui palaite rorel hun chung hi December 8 - 11 (ni li chung) a ni a, hemi hma lam ni sarh chung hian Inkhawmpui Committee pawimawh hrang hrang - SEC, Pastoral leh Nomination Committee te an lo ðu lawk vek a, heng Committee-te hian Synod-a rel/pawm turin thil chi hrang hrang eng emaw zatah ruahmanna an lo duang hmasa vek a ni.

Nikum 2009 Synod Inkhawmpuiin hun hman dan tura a lo ruahman zuiin kumin Synod Inkhawmpui hi tluang taka neih a ni a, thu sawitu tura ruatten an hun an hman thei vek a; Pupate zinga mi Rev. Lalzuithanga erawh chu CMC&H, Vellore-ah a natna avanga kal a ðul avangin he inkhawmpuihian a tel thei lo va, ama puala ðawngtaï rualna hun pawh hman a ni.

**2. Pastor tawh chêt, etc:** Pastor-te rawngbawlna chungchanga thu neihna tawp neitu a nih angin Synod chuan Pastor atan mi 20 a nemnghet thar a, heng mite hi Probationary Pastor kum thum lo thawk tawhte an ni. Pathian thu zir chhuak 83-in Probationary Pastor (hna) an dil a, hemi atan hian Synod-in sum leh pai leh Kohhran dinhmun

hrang hrang enin lak tur zat a bithliah ðin a, diltu 83 aţang hian Probationary Pastor atan mi 17 lak thar an ni a, an zinga pathum hi Synod Ramthar Board hnuai a thawk tur an ni a, pahnih chu Manipur Area chung a thawk tur an ni a, 12 chu Synod Pastoral Ministry hnuai a thawk tur an ni thung.

Synod-in Pastor-te thawh theih hun chung kum a bithliah, kum 60 tling tawh, Pastor/Minister pariat chu kum thar 2011 aţanga pensiona chhuak tura tih an ni a, Pastor hna thawk mek 12 chu zirna sang zawk zir phalsak an ni a, an zinga pahnih chu hna thawk paha zir tura phalsak an ni.

Synod-in Pastor insawn hun bi a thliah (kum nga), an awmna ngaia awm tling tawh, ðulna bik avanga an awmna ngaia awm leh tura tih 13 an awm a; SEC-in an awmna tura a ruat/rel angin mi pahnih chu dinhmun pawimawh tak chelh tura dah thar an ni a, chungte chu National Council of Churches in India (NCCI)-a General Secretary (*full time*) atana ruat, Rev. Dr. Roger Gaikwad leh Aizawl Theological College Principal atana ruat, Rev. Dr. Vanlalchhuanawma te an ni. Synod Ramthar rawngbawlna hmun hrang hranga a khaipa, Field Secretary-te awm hun chung tura tih awm tawh ðhenkhat an awmna sawn an ni a, an aiah mi paruk chu Field Secretary atan hian ruat thar an ni a, pahnih dang chu hun (*term*) khat dang awm leh tura ruat nawn an ni bawk.

Anmahni awmna hmuna an awm hun chung tura danin a tih anga an hun hman zo tawh Pastor 51 an awmna hmun sawn an ni a, Pastor 18 dang, an term zawh vang pawh ni lova an hna thawh lai aţanga hna dang thawk tura an awmna hmun sawn an ni bawk a; Manipur Area-a thawk Pastor 11 an awmna sawn an ni bawk.

*phek hnihna Editorial hnuai aih zawm a ni*



**Editorial Staff**

Rev. Thangzauva Upa H. Ronghaka  
Rev. B. Lalngkhliana  
Upa C.H. Thangkhuma

*Berampute leh Khawchhak mifingten ran chaw pèkna thlenga nausên mu chu chibai an bûk theih nan anmahni hrilha hruaitu aw an ngaichang a; harsatna pawh tam tak an paltlang nghe nghe a ni. Keini pawhin Lalpa Vantirhkoh aw leh Thlarau Thianghlim hruaina ngaichangin nausên Isua chibai bûk turin kalsan ngai apiang kalsanin Bethlehem lam i pan ang u. Chutah chauh chuan 'Nausên puana tuam, ran chaw pèkna thlenga mu' chu kan hmu ang.*

**phek khatnaa mi zawmna**

**3. Presbytery then:** Aizawl Chhim Preesbytery, Pasor Bial pariat awmna chu pali ve vea awm turin then a ni a, Aizawl Chhim Presbytery ațang hian Aizawl Chhimthlang Presbytery siam thar a ni a, chuta awm turte chu Bungkaw Bial, Khatla Bial, Mission Vengthlang Bial leh Maubaw Bial te an ni. Tuivawl leh 7awi Presbytery ațangin Tuvawlr Presbytery siam thar a ni baw a, he Presbytery tharah hian Kawlkulh Bial, Hliappui Bial leh Lungpho Bial te awm tura tih an ni. Hei bakah hian ram pawn lama Synod rawngbawlna hmun Karbi Anglong chu Presbytery neia awm tura tih an ni bawk.

**4. Pastor Bial thar:** Sairang leh Kawnpui Bial ațanga sâwk hekin Sairang Dinthar Bial siam a ni a, Khawzawl Vengthar Bial ațangin Chawngtlai Bial siam a ni a, Vanzau Bial leh Khuangleng Bial ațanga sâwk thlain Leithum Bial siam a ni a, Electric Veng Bial (Aizawl) ațangin Ramthar Veng Bial siam thar a ni bawk. Synod Ramthar rawngbawlna hmun - Arunachal West-ah Pasighat Bial ațangin Likabali Bial, Lucknow Field chhungah Lucknow South Bial leh Manipur Field-a Kumbi, Kakchingkhunou leh Mayang Bial ațangtea sawh thlak Ithai Bial siam thar a ni bawk.

**5. Presbytery leh Board/Committee ațanga thu lut (General Agenda):** Presbytery hrang hrang leh Synod hnuaia Committee/Board hrang hrang ațanga Synod-a thu ngaihtuah tura thlen, General Agenda 78 a awm a, hengte hi hetiang hian rel a ni:

- |   |      |
|---|------|
| 1) Synod Executive Com. bawhzui atana dah     | - 20 |
| 2) 'Kan kal dan pangngaiin kal ni se' tia rel | - 17 |
| 3) Rawtna anga kal remtih                     | - 13 |
| 4) 'Kan inhrilhfiah' tia rel                  | - 7  |
| 5) 'Kan sawihona a tawk' tia rel              | - 6  |
| 6) PCI Gen. Assembly/EC-a thlen tura tih      | - 4  |
| 7) 'Kan infuih/inchah' tia rel                | - 3  |
| 8) 'A 7ul/remchang lo ve' tia rel             | - 2  |
- thlûr lehlamah zawm a ni**

- |   |     |
|---|-----|
| 9) NEICC-a thlen tura tih                 | - 1 |
| 10) Presbytery tin ngaihtuah leh tura tih | - 1 |
| 11) MSSU rel fel tura pek                 | - 1 |
| 11) Rawtna hrula thu tihtluk              | - 1 |
| 12) Tih dan phung pangngai zuina thu pawm | - 2 |

**6. Thu rel pawimawh deuh:**

**a) Rawtna lut anga rel thlukte chu hengte hi a ni:**

- 1) Kohran lehkhaw pawimawh hrang hrang siam sate Mizoram pumah uluk zawk leh rual zawka hman (Gen. 23).
- 2) ATC zirlai, Practical Work neia Presbytery Inkhawmpuia chhimtu palai tirh thin hi kan Thurin min pawmpui thei lotu chu tirh tawh loh (Gen. 48).
- 3) Synod Inkhawmpuia a tam thei ang Mizo 7awng hman (Gen. 53).
- 4) Pastor Bial thar hawn dawnin Bial hawn ni ațanga Bial vawng thei ngei tur chauh Pastor dah thin (Gen. 56).
- 5) Sunday School Zirlai Bu, Nilai leh Beihruai Thupui, etc. te Zoram pawn boruak huap zo deuh zawka ziaak thin (Gen. 58).
- 6) Innei turte kum bithliahah sawrkar thu anga 'mipa kum 21 pumhlum leh hmeichhia kum 18 pumhlum' hman (Gen. 65).
- 7) Pastor Quarters grant Rs. 8,00,000 ațanga Rs. 10,00,000-a tihpun (Gen. 67).
- 8) Media-in a tha lo zawnga nun a kaihhruai dan leh hemi hmachhawn dan tur rawtna chu in tinah hriattir tura rel a ni (Gen. 68).
- 9) Inkawp lo chi inkawp - mipa leh mipa, hmeichhia leh hmeichhia inkawpte thununa an inkawp chhung zawng thunun tur (Gen. 69).
- 10) Synod Inkhawmpui rorel tihzangkhai dan tur ruahmanna pawm a ni (Gen. 78).
- 11) Kohran Hmeichhe Inkhawmpui Lian Golden Jubilee 2011 lawm an dil angin remtihsak an ni (Gen. 72).
- 12) 'Naupang Sunday School-a kai 7an tur kum 4 tih hi ni leh thla bikima chhiar tur ni lovin Mizo kum chhiara kum li tlingte kai 7anna a ni ber' tih Inkaihhruaina Bua telh remtih a ni (Gen. 76).
- 13) Manipur Area-in SMB leh MSSU-a Board member nih an dil angin phalsak an ni (Gen. 78).

**b) Synod Executive Committee bawhzui tura tih thu langsar deuh:**

- 1) Secular College din (Gen. 4).
- 2) Pavalai Pawl inkaihhruaina siam (Gen. 5).
- 3) Sikulpui lâk lêt thu (Gen. 33).
- 4) Biak In chhunga inchei dan tur/awm dan mawi inzirtirna siam (Gen. 39).
- 5) Synod Sum vawn dan en7hat (Gen. 63).
- 6) MDTC hmun Bualpuia tuna Mission Vengthlanga awm

**phek thumna, Râl Vengtu hnuaiah zawm a ni**



## RAL VENGTU

Thian zaho lo kal hian Râl Vengtu hnenah, “Râl Vengtu, Bethlehem nausên hmêlma i tihte min hrilh teh,” an ti a. Râl Vengtu chuan, “Nausên Isua tana pheisen râl hlauhawm tlêm azâwng lo sawi ila, inven nan hman tum ang che u,” a ti a.

1. Heroda rilru pu a, nausên tana tihbaiawm apiang chu a hmêlma an ni thin.
2. Ran thleng aia Party-na thleng leh no te, ruih theih thil leh tisa châkna lam chi te hian Bethlehem mual a sawn hla thin.
3. Berampute leh mi finge rilru kalsan a, ran thlênga nausên mu hnuchhawna, chibai bûk tum lova nun meilum kalsan phal lo apiangte chu a hmêlmaah an țang châwk.

### phêk hnihnaa mi zawmna

Missionary Training College (MTC) sawn (Gen. 64).

- 7) Zawlaidi (Grape wine) tizûtu (*alcohol*) pai tihniaam tura sawrkar ngen (Gen. 66).

SEC bawhzui tura tih zingah Synod-a thlen leh tura tih pawh a awm nual.

Tangka kumthar April 2011 - March 2012 chhunga Synod sum hmuh leh hman tum (budget) Synod Finance Committee-in ruahmanna a siam pawm a ni a, hetiangin :

1. A pumpuia hmuh tum (Pastoral) Rs. 64,78,42,300
2. A pum puia hmuh tum (Mission) Rs. 37,36,56,700
3. Hmuh/hman tum zawng zawng **Rs. 1,02,14,99,000**

Hmuh tum leh hman tum a intluka dah a ni. Mizoram Presbyterian Kohhran inchirnaa a lan danin Mizoram Synod hnuaiah hian Presbytery 40, Pastor Bial 251, Kohhran 1360 an awm a, Pastor (Bial nei) 250, Minister (Bial nei lo) 191, an vaiin 441 awmin, Kohhran Upa 3940 leh Pem Upa 376 an awm a, Dan chhunga awm mek 3,67,019 awmin Kohhran mi zawng zawng 5,50,560 an awm mek a ni.

Nakkum, 2011 Synod Inkhawmpui chu Khatla Kohhranah Khatla Bial thlen tura nghah a ni a, Nov. 30 - Dec. 11, 2011 chhung hman a ni ang. Puipa turin heng mite hi ruat an ni:

- Moderator : Rev. Thangzauva  
 Secretaries : Rev. P.C. Pachhunga (Sr.)  
                   : Upa D.P. Biakkhuma (Jr.)  
 Finance Officers : Rev. Zosangliana Colney  
                       : Rev. Dr. Lalmangaiha  
 Statistician : Rev. C. Sangliana  
 Executive Secretaries : Rev. Vanlalzuata  
                               : Rev. Lalzuithanga

## PRESBYTERIAN HOSPITAL, DURTLANG NOVEMBER 2010 CHHUNGA THIL DAWNTE

### I. Charity Fund

1. Sacrament Deptt. Kanan Kohhran	Rs. 3,110. 00
2. Bilkhawthlir Presbyterian Kohhran	Rs. 1,000. 00
3. Reiek Kohhran Hmeichhia	Rs. 1,000. 00
4. Pu Malsawma, Durtlang Mual veng	Rs. 1,000. 00
5. Tlungvel Vengthar Kohhran Hmeichhia	Rs. 3,000. 00
6. Bethlehem Pastor Bial Kohhran hmeichhia	Rs. 5,000. 00
7. Zemabawk Kohhran Hmeichhia	Rs.10,000. 00
8. Saitual Chhim Veng Presbyterian Kohhran	Rs. 3,000. 00
9. Thenzawl Field veng Kohhran	Rs. 5,000. 00
10. Dr. Rebecca Lalrintluangi, UCC, Umiam	Rs.10,000. 00
<b>TOTAL</b>	<b>Rs.42,110. 00</b>

### II THISEN PETE

1. KTP, Leitan Pastor Bial	<b>Pek zat</b> 40 Units
2. Govt. Aizawl North College NSS	108 Units
3. Serkhan Kohhran	30 Units
4. KTP, Sumsuih Branch	34 Units
5. Durtlang Higher secondary School	60 Units
6. YMA Tuikual South Branch	60 Units
7. KTP, Dawrpui Branch	60 Units
8. KTP, Zotlang Branch	34 Units
9. KTP, Republic Vengthlang Branch	49 Units
10. KTP, Hunthar Branch	41 Units
<b>TOTAL</b>	<b>516 Units</b>

### III. THIL DANG:

1. Zonuum Kohhran Hmeichhia	...	Swabstick 10,600 nos.
2. Presbyterian Kohhran, Chhinga Veng	...	Golden Jubilee lawm nan thawktu leh dam lo tan ruai an țhehsak.
3. Lungdai Kohhran Pavalai Group	...	Thutthlengsei 1
4. Dr. Hruaita te nupa, Ngentiang	...	Kristian Hlabu 5
5. KTP, Centenary Branch	...	Crystal Jubilee pual Souvenir 2
6. Venghnuaai Bial KTP	...	Bench 6
7. Upa L.C. Rolua, Saiha New Colony	...	Water Filter 1
8. Pu Thanțhuama, Diphu, Karbi Anglong	...	Romovac no 14 1 No. Skin stapler (Dispo) 1 no. BP Rubber cuff 1 no.
9. Pu T. Lalropuia, Dy. Director (Forensic)	...	Kristian Hlabu 2

Thilpek petu zawng zawng te chungah Pathian hmingin lawmthu kan sawi tak meuh a ni.

Sd/-

(REV. LALBIAKHLUNA)  
Chaplain, Presbyterian Hospital

### KRISTIAN DIARY 2011

Synod Literature & Publication Board buatsaih **Kristian Diary 2011** a lo chhuak thar leh ta. Kohhran thil pawimawh hriat tur tam tak Diary hma lamah dah a ni a, Rs. 80/- man a ni. Synod Bookroom Hqrs. leh Branch hrang hrangah ngaihven theih a ni e.



**Champhai Ramthar Kohhran** chuan Sept. 4 - 20, 2010 chhung khan Pu R. Lalramliana, Gospel Thunder Team Speaker ruaiin Camp chhawng hnih leh naupang Lâng Camp an buatsaih a, an Kohhran bakah pawl dang Salvation, Baptist, UPC leh Sabath aţang te pawhin eng emaw zat an lut. Kohhranin a hlim phah hle a, Pu H. Lalruata te chhungin vawk an thawh a, lawmna ruai ropui tak an theh. He rawngbawlina avang hian Pathian Ram thilpek a pun phah hle.

**W. Serzawl Kohhran** chuan Oct. 16 - 31, 2010 chhung khan Pu C. Lalenga, Hunter for Christ Speaker ruaiin Camping chhawng hnih leh naupang pual Lâng Camp an buatsaih a, camper zawng zawngten nun thar neiin Camp an chhuahsan vek a, Kohhranhoten an hlawkpui hle.

**Ruallung Kohhran** chuan Oct. 18 - Nov. 5, 2010 chhung khan Henry Lalmingthanga, Knight For Christ Ministry ruaiin Gospel Camping chhawng li leh naupang Lâng Camp an buatsaih a, Kohhran pawl dang aţang pawhin mi 88 lai an lut bawk. He rawngbawlinaah hian harhtharna a thleng zui a, mi thahnemngaiten vawk leh ar thawhin ni hnih zet tisa leh thlarau lam ruai an theh zui a, Kohhranhoten an hlawkpui hle.

**Tawizo Kohhran** chuan Oct. 23 - Nov. 14, 2010 chhung khan Gospel Thunder Team Speaker Pu Zaihmingthanga ruaiin Camping chhawng hnih an buatsaih a, Kohhranhoten harh thar lehna ropui tak an chang a, Pavalai pawl pawh tha takin a ding nghal bawk. Nov. 14, 2010 khan Kohhranho ten vawk talhin tisa leh thlarau lam ruai ropui tak an kil ho.

**Sethawn Kohhran** chuan Nov. 8 - 14, 2010 chhung khan Pu C. Sapchhawna, Remna Palai Team, Speaker-a hmangin Revival cursade hlawhtling tak an nei. Biak in thleng phak tawh lo ten Thlarau pawlna thar an chang a, Kohhranho an hlim hle.

**Keifang Mel veng Kohhran** chuan Nov. 20 - Dec. 5, 2010 chhung khan Nehemia Gospel Team Speaker Johny R. Lalhmangaiha ruaiin Gospel camping chhawng hnih leh naupang Lâng Camp an buatsaih a, Kohhranho ten an hlawkpui hle.

**Puilo Kohhran** chuan Nov. 27 - Dec. 3, 2010 chhung khan Upa R. Zatlai, Kraws Hnehna Puangtu Team Speaker ruaiin Revival Crusade an buatsaih a; Kohhranhoten an hlawkpui hle. Dt. 30.11.2010 khan awmni khamin thlarau lama intuaitharna an nei bawk.

### RAM THENAWMA TIHDAM RAWNGBAWLNA

Mission Foundation Movement Director, Pu R. Vanlalzauva leh a nupui Pi B. Lalremtuangi te chuan Aug. & Sept. 2010 chhung khan Rangoon leh Tahan-ah tihdam rawngbawlina an nei a. Mitdel, chhun leh zan hre hrang chauh, chawplehchilha mit lo var te; zeng, chawplehchilha kal thei ta te, bengngawng, an beng lo var ta te, thin cancer dam te, thi pût reh thei lo reh ta te, thisen sang leh zunthlum dam tate chu a langsar zual an ni. Tahan khawpuiah hian dam lo 3,000 laiin he rawngbawlina chhim turin hming an pe. Myanmar pawisa Kyat nuai 46 (India pawisain Rs. 2,23,150) lai Orissa Krista tan an rawn hawn bawk.

October, 2010 chhung khan Bangladesh-ah rawngbawlina ropui tak an zuk nei leh a, ring loten an rawngbawlina an hlutin ropui an ti hle.

### HRIATTIRNA

Missionary Training College-a Bachelor of Missiology (B.Miss.) zir duhte tan dil theih a ni a. Missionary Training College Office, Mission Vengthlang-ah Rs.30/ pein dilna form lak tur a ni e.

Zir hun chhung : Kum thum

Dil thei chin : PUC/HSSLC passed emaw HSLC passed kum hnih tal Missionary rawngbawlina emaw, rawngbawlina dang emaw-a experience lo nei tawh.

Entrance test : March 22, 2011 dâr 10:30 a.m. Synod Conference Centre-ah

Interview hun : March 24, 2011 dar 10:30 AM.

Sd/-

(REV. K. LALRINKIMA)

Director, MTC, Mission Vengthlang.

### RAWNGBAWLNA HNA RUAK

Synod Bookroom-a PRESCOM Assistant - III (Seller) hna Lawngtlaia thawka awm chillh nghal turin HSLC leh a chung lam kum 18 atanga 35 inkar tan dil theih a ni a. Dilna chu a hnuai hming ziak hnenah hian January 10, 2011 thlengin theh luh theih a ni ang. Diltu chuan Marksheet leh Certificate an neih ang leh Kohhran lehkha thil tel tur a ni.

Written Test hun : January 18, 2011

Interview hun : January 21, 2011

A hmun : Synod Conference Centre.

(UPA F. LALSANGLIANA)

General Manager

Presbyterian Communication Deptt.

### SAWMNA

Zâwlsei Kohhran chuan January ni 6 - 9, 2011 khian Centenary a lawm dawn a. He hun hmanpui tur hian Zâwlsei khaw chhuak zawng zawng leh Bialtu Pastor leh Pro. Pastor lo ni tawh zawng zawngte sawm in ni e.

Upa Lianzela

Zâwlsei Kohhran Ziaktu

### PRESBYTERY KUM 100-A UPA A NI TA

Kumin 2010 hi Presbytery kan neih tantirh (1910) aţangin kum 100-na 'Centenary' a ni a. A lawmna siam a ni lo. Buhfaitham tantirh kum nen a inruah. Kum 1910-ah Mizoram hi Khasi Assembly hnuaiiah Presbytery khat a ni. Mizoram-a Presbytery hmasa ber hi April 22, 1910-ah neih a ni a, a vawi hnihna October 14, 1910-ah. Chairman chu Zosaphluia a ni a, Secretary chu Chhunruma a ni. Kohhran Upa 17 nemngheh an ni.